

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

**ДОМ НАРОДА
ПРЕДСТАВНИЧКИ ДОМ**

Зajедничка комисија за економске реформе и развој



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

**DOM NARODA
PREDSTAVNIČKI DOM/ZASTUPNIČKI DOM**

Zajednička komisija za ekonomske reforme i razvoj
Zajedničko povjerenstvo za ekonomske reforme i razvoj

Број/Број: 03/3-50-14-9-2/15
Сарајево/Sarajevo, 23.4.2015.

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLJENO: 27-04-2015

Organizaciona jedinica	Klasifikaciona oznaka	Redni broj
01.02	50-14-604/15	

3

**PREDSJEDAVALJUĆI PREDSTAVNIČKOG DOMA
PREDSJEDAVALJUĆI DOMA NARODA
PARLAMENTARNE SKUPŠTINE BOSNE I HERCEGOVINE**

Predmet: Izvještaj o radu Zajedničke komisije za ekonomske reforme i razvoj

Poštovani,

U prilogu Vam dostavljamo Izvještaj o radu Zajedničke komisija za ekonomske reforme i razvoj Parlamentarne skupštine Bosne i Hercegovine za 2014. godinu, usvojen na 2. sjednici Zajedničke komisije, održanoj 23. 4. 2015. godine.

S poštovanjem,

Prilog: kao u tekstu

Dostavljeno:

- naslovu
- a/a



Predsjedavajući Zajedničke komisije

Dordo Krčmar



Na osnovu člana 56. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", broj 79/14) i člana 46. Poslovnika Doma naroda Parlamentarne skupštine Bosne i Hercegovine ("Službeni glasnik BiH", broj 58/14), **Zajednička komisija za ekonomske reforme i razvoj Parlamentarne skupštine Bosne i Hercegovine**, na 2. sjednici održanoj 23.4.2015. godine, usvojila je

IZVJEŠTAJ O RADU ZAJEDNIČKE KOMISIJE ZA EKONOMSKE REFORME I RAZVOJ ZA 2014. GODINU

Uvodne napomene

Zajednička komisija za ekonomske reforme i razvoj (u daljnjem tekstu: Komisija) je stalno radno tijelo Parlamentarne skupštine Bosne i Hercegovine. Njena nadležnost je regulirana odredbama člana 56. Poslovnika Predstavničkog doma ("Službeni glasnik BiH", br. 33/06, 41/06, 81/06, 91/06, 91/07, 87/09 i 28/12) i člana 50. Poslovnika Doma naroda ("Službeni glasnik BiH", br. 33/06, 41/06, 91/06, 91/07 i 32/12).

Na 2. sjednici Predstavničkog doma, održanoj 9. 6. 2011., izabrani su članovi Komisije: Danijela Martinović, Petar Kunić, Boško Tomić, Azra Hadžiahmetović, Zijad Jagodić i Dragan Čović, a na 2. sjednici Doma naroda, održanoj 29. 6. 2011., izabrani su: Halid Genjac, Hasan Bećirović, Dragan Čović, Krunoslav Vrdoljak, Mladen Ivanić i Krstan Simić.

Odlukom o razrješenju i imenovanju člana Zajedničke komisija za ekonomske reforme i razvoj, donešenoj na 5. sjednici Predstavničkog doma, održanoj 14. 7. 2011., („Službeni glasnik BiH“, broj 59/11), od 25. 7. 2011., Petar Kunić razriješen je dužnosti člana Komisije, dok je Nikola Špirić imenovan za člana Komisije.

Odlukom o izmjenama Odluke o izboru članova Zajedničkih komisija oba doma Parlamentarne skupštine Bosne i Hercegovine, donešenoj na 24. sjednici Predstavničkog doma, održanoj 15. 3. 2012., („Službeni glasnik BiH“, broj 24/12), od 27. 3. 2012., Nikola Špirić razriješen je dužnosti člana Komisije, a za člana Komisije imenovan je Saša Bursać. Također, pomenutom Odlukom, Dragan Čović razriješen je dužnosti člana Komisije, a za člana Komisije, u ime Predstavničkog doma, imenovan je Dragan Vrankić.

Odlukom o izmjenama Odluke o izboru članova Zajedničkih komisija oba doma Parlamentarne skupštine Bosne i Hercegovine, donešenoj na 38. sjednici Doma naroda, održanoj 6. 6. 2014., („Službeni glasnik BiH“, broj 47/14), od 17. 6. 2014., umjesto Hasana Bećirovića, kojem je mandat u Domu naroda prestao zbog smrti, u Komisiju je imenovan Seudin Hodžić.

Na Konstituirajućoj sjednici Komisije, održanoj 7. 7. 2011., Danijela Martinović izabrana je za predsjedavajuću Komisije, Krstan Simić izabran je za prvog zamjenika predsjedavajuće Komisije, dok je Hasan Bećirović izabran za drugog zamjenika predsjedavajuće Komisije.

Na 18. sjednici Komisije, održanoj 30. 6. 2014. za drugog zamjenika predsjedavajuće Komisije je izabran Seudin Hodžić umjesto Hasana Bećirovića.

Kolegij Predstavničkog doma, na 44. sjednici, održanoj 12. 2. 2008. godine i Kolegij Doma naroda, na 10. sjednici, održanoj 18. 2. 2008. godine, donijeli su Rješenje o imenovanju kojim se Amer Bekrić imenuje na radno mjesto sekretara Zajedničke komisije za ekonomske reforme i razvoj. Imenovani je stupio na dužnost 3. 3. 2008. godine.

Pravilnikom o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH, u Uredu sekretara Komisije je sistematizirano mjesto stručnog saradnika, koje je popunjeno 1. 4. 2012. godine.

Komisija je od konstituisanja radila na provođenju obaveza utvrđenih poslovnica, kao i obaveza koje su joj određene odlukama kolegija domova.

Opšti podaci o sjednicama Komisije i prisustvo sjednicama

Opštim odredbama o komisijama domova i opštim odredbama o zajedničkim komisijama oba doma utvrđenim poslovnica regulirano je: osnivanje zajedničkih komisija; broj i struktura članova komisije; dužnosti; organizacija rada; sazivanje sjednica; donošenje odluka komisije; saradnja s drugim komisijama i tijelima; metode rada; osnivanje potkomisija ili radnih grupa.

U periodu od 1. 1. do 31. 12. 2014. Komisija je održala tri sjednice. Napominjemo da je 17. sjednica Zajedničke komisije jedanput otkazivana zbog nedostatka kvoruma, dok je 18. sjednica, iz istih razloga otkazivana dva puta.

Na tri sjednice, Zajednička komisija je razmatrala ukupno 12 tačaka dnevnog reda, te usvajala odgovarajuće zaključke po razmatranim tačkama dnevnog reda.

Prisustvo članova sjednicama Komisije izraženo u procentima bilo je 61,11%.

Sjednice Komisije su trajale u prosjeku po jedan sat i 13 minuta.

Aktivnosti na sjednicama praćene su zapisnički. Zapisnike sjednica vodi sekretar Komisije prema usvojenim tačkama dnevnog reda po utvrđenoj poslovničkoj proceduri i metodologiji. U saradnji s predsjedavajućom i članovima Komisije, konačan tekst zapisnika definira se i dostavlja na lektoriranje na jezike u službenoj upotrebi u BiH.

Interna organizacija i procedure

Prema planovima aktivnosti domova iz nadležnosti Komisije, koje određuju kolegiji Predstavničkog doma i Doma naroda, predsjedavajuća Komisije, u saradnji sa sekretarom, organizuje i zakazuje sjednicu s prijedlogom dnevnog reda.

Planovi aktivnosti Komisije i njenih članova utvrđuju se prema orijentacionim radnim planovima domova i orijentacionom radnom planu Komisije.

Sjednici Komisije treba da prisustvuje najmanje sedam njenih članova, uz uslov da je prisutna najmanje polovina članova iz svakog doma, kako bi mogli pravovaljano odlučivati.

Komisija odlučuje prostom većinom članova koji su prisutni i glasaju, uz uslov da ta većina sadrži jednu trećinu članova svakog doma koji su prisutni i glasaju i jednog predstavnika iz konstitutivnih naroda.

Rezultati glasanja, prijedlozi i zaključci koje Komisija usvoji, zapisnički se konstatiraju za svaku tačku dnevnog reda.

Izveštaje koje Komisija podnosi domovima priprema sekretar Komisije u saradnji s predsjedavajućom, a prema potrebi i ostalim članovima Komisije kada to nalažu određeni razlozi.

Zakonodavna aktivnost

Komisija u periodu januar – decembar 2014. godine nije razmatrala niti jedan prijedlog zakona.

Informativne aktivnosti

U izvještajnom periodu Komisija je razmatrala i druge akte koji nisu zakonodavnog karaktera, i to:

1. Informacije dostavljene povodom inicijative poslanika Senada Šepića sa 55. sjednice Predstavničkog doma, održane 24.10.2013. godine (usvojena na 61. sjednici Doma održanoj 30.12.2013. godine), na temu: „**Strateško djelovanje institucija u Bosni i Hercegovini u pravcu osiguranja ravnomjernog razvoja Bosne i Hercegovine**“, akt Vijeća ministara BiH, broj: 01-50-1-1106/14 od 13.03.2014. godine i akt Vlade Federacije BiH, broj: 01-50-1-1106/14 od 07.07.2014. godine,
2. Izvještaj o radu Vijeća ministara BiH za 2013. godinu,
3. Izvještaj o radu Zajedničke komisije za ekonomske reforme i razvoj za 2013. godinu,
4. Orjentacioni radni plan Zajedničke komisije za ekonomske reforme i razvoj za 2014. godinu,
5. Preliminarne rezultate Popisa stanovništva, domaćinstava i stanova u Bosni i Hercegovini 2013. godine – Agencija za statistiku BiH,
6. Informaciju sa sastanka koji je održan 24.2.2014. godine, sa ekspertima Twinning projekta pod nazivom "Jačanje uloge parlamenata u Bosni i Hercegovini u kontekstu evropskih integracija",
7. Informaciju Sanele Klarić, predsjednice Savjeta za Zelenu gradnju (Green council) u vezi sa Cost-benefit analizom uspostave Ministarstva poljoprivrede, prehrane i ruralnog razvoja Bosne i Hercegovine koju je sačinio Savjet,
8. Zaključke usvojene na Konferenciji „Položaj žena i mladih na tržištu rada u Bosni i Hercegovini“, održanoj 02.07.2014. u organizaciji Komisije, predstavništva Fondacije Friedrich Ebert u BiH i Projekta jačanja institucija vlasti i sistema u Bosni i Hercegovini (SGIP).

Ostale aktivnosti Komisije

Komisija je, u saradnji sa Fondacijom Friedrich Ebert u BiH i USAID projektom jačanja institucija vlasti i sistema u Bosni i Hercegovini (SGIP), organizirala konferenciju o temi "Položaj žena i mladih na tržištu rada u Bosni i Hercegovini", koja je održana 02.07.2014. godine u Zgradi Parlamentarne skupštine BiH. Na konferenciji su uzele učešće vladine institucije svih nivoa vlasti u Bosni i Hercegovini, predstavnici nevladinog sektora, kao i

predstavnicima akademske zajednice koji se u svome radu bave navedenom problematikom. Na konferenciji su definirani i zaključci koji bi trebali pomoći u prevazilaženju i rješavanju uočenih problema iz ove oblasti.

Saradnja sa drugim institucijama i organizacijama

Komisija je putem prezentiranja preliminarnih rezultata Popisa stanovništva, domaćinstava i stanova u Bosni i Hercegovini 2013. godine ostvarila saradnju sa Agencijom za statistiku Bosne i Hercegovine. Osim toga, Komisija je u izvještajnom periodu, u okviru razmatranja Izvještaja o radu Vijeća ministara BiH za 2013. godinu, ostvarila saradnju i sa Institutom za intelektualno vlasništvo BiH, Institutom za standardizaciju BiH, Institutom za mjeriteljstvo BiH, Institutom za akreditiranje BiH, Institucijom ombudsmana za zaštitu potrošača u BiH, Agencijom za nadzor nad tržištem BiH, Agencijom za osiguranje u BiH, Agencijom za rad i zapošljavanje BiH, Agencijom za unapređenje stranih investicija u BiH (FIPA), Konkurencijskim vijećem BiH i Direkcijom za ekonomsko planiranje BiH.

Međunarodne aktivnosti

Komisija je održavala naročito intenzivnu saradnju sa predstavnicima međunarodne zajednice u BiH, prije svega USAID – projektom jačanja institucija vlasti i sistema u Bosni i Hercegovini (SGIP) i Fondacijom Friedrich Ebert.

Značajan segment međunarodnih aktivnosti Komisije odnosi se na aktivno učešće u radu Regionalne mreže parlamentarnih odbora za ekonomiju i finansije zemalja zapadnog Balkana.

U tom smislu, predsjedavajuća Komisije je, u svojstvu člana Odbora Mreže parlamentarnih odbora za ekonomiju i finansije zemalja Zapadnog Balkana, prisustvovala redovnim sastancima Odbora, odražnim u Beogradu, Republika Srbija, Skopju, Republika Makedonija i Podgorici, Crna Gora. Konferencijama Mreže održanim u Beogradu i Budvi, pored predsjedavajuće su prisutvovali i pojedini članovi Komisije.

Rezultati rada Komisije

Na osnovu navedenih aktivnosti, može se zaključiti da je Komisija realizirala postavljene zadatke.

Opća procjena i sugestije

Imajući u vidu opis poslova i utvrđene poslovničke procedure, te predizborne aktivnosti članova Komisije, može se konstatirati da su se, u izvještajnom periodu, aktivnosti Komisije odvijale nešto manjim intenzitetom.

Predsjedavajući Zajedničke komisije
Dordo Krčmar

